



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆ

Հասցե՝ ք. Աբովյան, Կոտայքի փողոց 8 շենք

Հեռ.՝ (+374 222) 2-01-63

Էլ. հասցե՝ kotayq@court.am

N ԴԴ-23 Ե- 11356/24

ԿԴ/0092/02/24

20.02.2024թ.

20.02.24

Հայցվորի ներկայացուցիչ Նաիրա Թորոսյանին
ք.Աբովյան 9-րդ փողոց փաստաբանական գրասենյակ

Պատասխանող՝ Գևորգ Գեղամի Բաբայանին
Կոտայքի մարզ, Արամուս համայնք, Կենտրոնական փողոց 52 տուն

Ուղարկվում է ՀՀ Կոտայքի մարզի առաջին ատյանի ընդհանուր իրավասության դատարանի թիվ ԿԴ/0092/02/24 քաղաքացիական գործով 20.02.2024թ. կայացրած «Քաղաքացիական գործը պարզեցված վարույթի կարգով քննելու վերաբերյալ» որոշումը:

Միաժամանակ տեղեկացվում եք, որ ՀՀ քաղաքացիական դատավարության օրենսգրքի 299-րդ հոդվածի համաձայն՝

1. Գործին մասնակցող անձանց միջնորդությունները, ինչպես նաև նրանց պահանջների և առարկությունների հիմքում ընկած փաստերը հիմնավորող ապացույցները կարող են ներկայացվել պարզեցված վարույթ կիրառելու վերաբերյալ դատարանի որոշումն ստանալու օրվանից ոչ ուշ, քան մեկամսյա ժամկետում:

2. Պարզեցված վարույթի շրջանակներում հակընդդեմ հայց կարող է ներկայացվել պարզեցված վարույթ կիրառելու մասին դատարանի որոշումն ստանալու օրվանից երկշաբաթյա ժամկետում:

3. Ելնելով գործի առանձնահատկություններից՝ գործին մասնակցող անձի միջնորդությամբ սույն հոդվածի 1-ին և 2-րդ մասերով սահմանված ժամկետները կարող են երկարաձգվել դատարանի որոշմամբ:

4. Սույն հոդվածի 1-ին և 2-րդ մասերով սահմանված ժամկետների խախտմամբ ներկայացված դատավարական փաստաթղթերը և ապացույցները դատարանի որոշմամբ վերադարձվում են դրանք ներկայացնող անձանց, բացառությամբ այն դեպքի, երբ դատարանը բավարարում է բաց թողնված դատավարական ժամկետը վերականգնելու մասին միջնորդությունը:

ԴԱՏԱՎՈՐԻ ՕԳՆԱԿԱՆ

Ա. ՄԿՐՏՉՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆԻ
Ո Ր Ո Շ ՈՒ Մ**

**Քաղաքացիական գործը պարզեցված վարույթի
կարգով քննելու վերաբերյալ**

20.02.2024թ.

ք.Արուսյան

Հայաստանի Հանրապետության Կոտայքի մարզի առաջին ատյանի ընդհանուր իրավասության դատարանի դատավոր Ն.Թորոսյանս, ուսումնասիրելով թիվ ԿԴ/0092/02/24 քաղաքացիական գործը,

Պ Ա Ր Զ Ե Ց Ի

Լյուայա Գարեգինի Լալաբեկովայը (այսուհետ՝ հայցվոր) հայցադիմում է ներկայացրել դատարան ընդդեմ Գևորգ Գեղամի Բաբայանի (այսուհետ՝ պատասխանող)՝ գումարի բռնագանձման պահանջի վերաբերյալ:

Քաղաքացիական գործը 23.01.2024 թվականին մակագրվել է դատավոր Ն.Թորոսյանիս և դատավորի աշխատակազմին է հանձնվել 24.10.2023 թվականին:

Ներկայացվել է միջնորդություն՝ պետական տուրքի գումարի վճարումը հետաձգելու վերաբերյալ հայտնելով, որ ստանում է անապահովության նպաստ և հնարավորություն չունի վճարելու պետական տուրքի գումարը:

Դատարանի 25.01.2024 թվականի որոշմամբ պետական տուրքի վճարումը հետաձգել և հայցադիմումն ընդունվել է վարույթ:

ՀՀ քաղաքացիական դատավարության օրենսգրքի 297-րդ հոդվածի 3-րդ մասի համաձայն՝ առաջին ատյանի դատարանը կարող է պարզեցված վարույթի կարգով քննել նաև այլ գործեր, եթե՝

1) առկա է գործին մասնակցող բոլոր անձանց միջև կնքված՝ գործը պարզեցված վարույթի կարգով քննելու վերաբերյալ գրավոր համաձայնություն, և հայցադիմումի պատասխան ներկայացնելու համար սահմանված ժամկետում գործին մասնակցող որևէ անձ չի առարկել գործը պարզեցված վարույթի կարգով քննելու դեմ:

2) մինչև գործով ապացուցման պարտականությունը բաշխելու մասին դատարանի որոշում կայացնելը գործին մասնակցող որևէ անձ չի առարկել հայցի դեմ կամ չի ներկայացվել հակընդդեմ հայց:

3) հայցի առարկայի փոփոխության արդյունքում հայցապահանջը չի գերազանցում նվազագույն աշխատավարձի հինգհազարապատիկը:

4) պատասխանողը մինչև հայցադիմումի պատասխան ներկայացնելու համար սահմանված ժամկետի ավարտը չի ներկայացրել հայցադիմումի պատասխան:

Դատարանն արձանագրում է, որ Պատասխանող Վարդան Հայրիկի Եղիազարյանը, հայցադիմումի պատասխան, առարկություն Դատարան չի ներկայացրել, հակընդդեմ հայց չի հարուցել:

Ըստ էության հայցվորը իր նյութաիրավական պահանջի հիմքում դրել է կիրառման ենթակա իրավական նորմերով անհրաժեշտ բոլոր փաստերը, իսկ պատասխանողը սահմանված ժամկետում պատասխան չի ներկայացրել:

Դատարանն արձանագրում է, որ հայցի հիմքում դրված փաստական հանգամանքների շրջանակը լիարժեք է, նյութական օրենսդրությամբ կարևորվող այլ հանգամանքներ առկա չեն, ուստի ՀՀ քաղաքացիական դատավարության օրենսգրքի 297-րդ հոդվածի 3-րդ մասի հիմքով պետք է կիրառել պարզեցված վարույթ և նշանակել եզրափակիչ դատական ակտի հրապարակման օր:

Ղեկավարվելով ՀՀ քաղաքացիական դատավարության օրենսգրքի 188-րդ, 199-200-րդ, 297-րդ հոդվածներով՝


Ո Ր Ո Շ Ե Ց Ի

Թիվ ԿԴ/0092/02/24 քաղաքացիական գործն ըստ հայցի Լյուայա Գարեգինի Լալաբեկովայը ընդդեմ Գևորգ Գեղամի Բաբայանի՝ գումար բռնագանձելու պահանջի մասին, քննել պարզեցված վարույթի կարգով:

Եզրափակիչ դատական ակտի հրապարակման օր նշանակել 19.04.2024 թվականը:

Որոշումն ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ



Ն.ԹՈՐՈՍՅԱՆ